



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Contact Numbers pawimav :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Hmasawanna Thar Vol - 32/101 | Churachandpur | email : hmasawannatharnews@yahoo.com | Phone: +91-3874-236846 | Rs 6/- per copy

AR le Police han silai siemna hmun an dapdawk: silai 6 leh mi 3 man



CCPUR: 25-Assam Rifles le District Police thangruol han zani hmasa zan khan intelligence report an dawng dungzuiin Loklaphai-a hmun thenkhat an dapnaah silai siemna hmun an dapdawk a. Hi hmuina inthawk hin 9mm Pistol siemfawm 5 leh mi pahni-Esther Haokip le Chongboi Haokip hai an man niin ei thu dawngna chun a hril. Mana um hai inpuongnaa inthawk silai siemtu

National Voters Day Jan. 25-ah

CCPUR: January 25, 2017, 1:00PM khin DTC Hall, Near DC's Office, CCPur hmunah National Voters Day Celebration Churachandpur hman ning a tih. Hi hun hmangna hi Priscilla Lalliensing in kehrioi a ta, James Doujapao Haokip, MCS, SDO/ERO, Tuibong in welcome Address hril a ta, Election le inzawma Officers hai inhmel-hrietirna le SVEEP songs

Field Work Review an sunzawm

CCPUR: Sangai International University, Manipur (SIUM) a Master in Social Work student han CCPur district sunga Organisation tum tum hai le MSW Field Work Review an nei mek chu an sunzawm nawk a, zanikhan Rural Aids Service (RAS), Tuibong an sir. MSW in-chuk hi 15 an nih.

Henu Neigailo Hitam-2 DVD hawng

CCPUR: Niso Films in a siem Henu Neigailo Hitam-2 film DVD hawng-na le inhlanna SS MANIFA 2017 awavi 6-na chu zani zantieng 1:00PM khan B. Vengnuom Community Hall-ah nei a nih. Hi huna hin Langkhanpau Guite, Chairman, ADCC khuollien chun khuolliena thangin DVD hi a hawng a, Upa Janggam in tawngtainain an hlan.

Winter Carnival Feb. 22 chen

CCPUR: Children's Home: Saikawt RPC Thalai Pawl in January 19, 2017 zana inthawk Children Home campus-a Project tum tum an nei hai thanguina dinga Fund Drive naah Winter Carnival an thaw chu February 22, 2017 (Pathienni) zan chen sunzawm ning a tih. Stalls le inhneldang dang a um a, rawngbawlnaa ngaiamin va sim dingan an fiel.

THANGKO Rev. Varienthang (70), f/o Joseph Vanronghak F. Kholum of Peacelane, CCPur chu Jan. 20, 2017 zan khan a thi a, January 21, 2017 hin a ruong vuiliem ning a tih. Ama hi RPC kohran ta dinga mipumaw le bul lo tantu a nih.

Donald Trump in US President 45-na dinga intiemkamna nei; PM Modi in lawmpuina thu thawwn

WASHINGTON: US President dinga thlang thar Donald Trump chun zani zan (10:30PM IST) khan Chief Justice of Supreme Court John Roberts hmaaah US President 45-na dinga intiemkamna a nei. Hun sawt taka inthawka President inthlangna an neina le inzawma buoina hai tawpin, President dinga pawmdet ni tain, ringum taka sin thaw dinga intiemna a nei a nih. US President 45-na inauguration neina chu outgoing President Barack Obama bakah, President hluihai le politicians tam takin an uop ve. US Presidential Election-a hratna a chang a inthawk chawklar 10-na charin Office a hloutan ding nih.

Trump in intiemkamna a neina huna hin a sung-hai kim takin an thang thei a, President fesuok ding Obama leh Capitol stage-ah chanvo inhan sawngna an nei a nih. Intiemkamna hun chu U.S. Chief Justice John Roberts in a thuoi a, Trump in intiemkamna a neina a hin Bible pahni- Abraham Lincoln's Bible le a chin laia a nu in Bible a



pekhai a hman. TV reality show lo host hlaktu le, sum-dawngtu Trump chu mi tam takin an inpak thung a nih. Trump in intiemkamna a nei hma hin, Vice President dinga thlang thar Mike Pence in intiemkamna a nei hmasa a. Trump chun, US President a nina anga ringum taka sinthaw dinga intiemna a nei a, a theina po po insuo in US constitution humhalna dinga thang la ding le, constitution zulzua sinthaw dingan an tiem a, US President mawphurna a lakna ni chu inchiaktak



a la ni ding thu hrilin, "January 20, 2017 hi America mipui haiin sawrkar ro an relna nia hriet zing ning a tih" tiin a hril. Trump chu US President dinga a ditnaw pawl tam tak an um a, intiemkamna a nei mek lai khawmin hmun thenkhat chu buoina siem pawl an um zing a nih. Washington DC khawpui le hmun hran hran haia chun, hmaikawr khuma buoina siem pawl tam tak an um a, daw le motor hai suksie in, "inphatsantu hi zawm ro, thawlet ngah rawh" ti inziakna flag chawia khawpui tlan kuol tam tak hmu ding an um

Sum peksuok ta lo dinga khar hri

IMPHAL: Thuthar um nawk hmakhata singin sawrkar thawktuhai hlaw, pensioner-hai pension sum, bills le Cheques hai thang-

Trucks 304 Imphal an hungtlung

IMPHAL: Zani zingkar inhma tak khan security khau taka vengna hnuoia Jiribam suksana Imphal hung pan Trucks 304 hai chu zani zan khan Imphal an hungtlung. Truck-hai lai hin Petrol phur 20, Diesel phur 28, LPG phur 29,

KCP in General strike

IMPHAL: KCP (Poirei Meitei) chun tuta hma meta New Delhi hmuina Delhi Police han an Commander-in-Chief le nuhmei pakhat an man dodalnain Jan. 21,

UZO thuoiu han bungheia tawngtaina

CCPUR: United Zou Organisation (UZO) General Headquarters Cabinet Member hai chun zani zingkar 7AM a inthawk sun dar 12:00Noon chen khan Penial Hal, Prayer Mountain, Muolvaiphei hmunah bungheia tawngtairuolna an nei. Hi hun hmangna hi Vice

Pension an inthla

CCPUR: Zani 11AM khan a sina inthawka pension Lamka College Vice Principal le HoD, Education Professor Thoyam Haokip chu a staff chanpui han College Teachers Common Room-ah inthlana an nei. Hi huna hin Dr M. Lokendro, Principal in farewell speech a nei a, Prof. Lalvarzo le Prof. Zawmi Gangte han Professor Thoyam Haokip le a nuhmei ngainat thilpek inhlanna an

Party candidate ni tum supporters han BJP office an va khek khum

IMPHAL: Imphal Chanchinbu thenkhatin BJP candidates list puong nita anga an zieklang le inzawmin BJP candidate ni tum hai le an supporters hai lungril a sukbuoi hle. Chanchinbu thenkhatin BJP candidate list nia an zieklang hai kha official-a puong la ni lo niin ei thu dawngna chun ahrl. Hi thua hin zani zingkar inhmata inthawk khan party mi tam taka inthawk phone call khawm an dawng chu BJP thuoiu

Kum 5 lungin intang le Rs. 10 lakh chawi dingin

IMPHAL: BJP Manipur Spokesperson Nongthombam Biren naupa Nongthombam Ajay Meetei (27) chu March 21, 2011 a Tullihal International Airport, Imphal bula College Student from Rozer (21) kaphlumna tuah kum 5 sung rimi taka lungin intang ding le Rs. 10 lakh chawi dingin zanikhan District and Session Court, Imphal West Judge Maibam Manojkumar in a rel. Pawisa chawi dinga ti hi thla 6 sung pek dinga ti a nih. Hi hun sunga a pek thei naw leh a lungin intang hun sung ding chu kum

Republic Day boycott an tum

IMPHAL: Alliance for Socialist Unity Kangleipak (ASUK) chun 68th Republic Day hman ding hi boycott an tum thu an puonglang. Hi thil hin emergency

Search operation sunzawm

IMPHAL: India Republic Day hman ding le inzawmin state police chun thil ditumlo a tlung nawna dingin Imphal khawpui hmun tum tum hahah dappui an thaw zing a. Zani khawm

CEO New Delhi-ah an zin

IMPHAL: V.K. Dewangan, IAS, Chief Electoral Officer (CEO), Manipur chu zani hmasa khan Imphal suksananin New Delhi a pan. CEO, Manipur hi Election Commis-

Republic Day niin pasaltha hai inzana le sunna hun



CCPUR: Young Paite Association (YPA) Gen. Hqrts. inrawinain January 20, 2017, 11:00AM khan YPA GHQ Hall, Hiangtam Lamka hmunah YPA Block tum tum a Unit le Val-Upa han joint meeting an nei. Hi huna hin Lianmuanthang Valte, General Secretary, YPA GHQ in SSPP GHQ le YPA GHQ hai thupuong a siem khum le YPA GHQ in PTC GHQ chungta thupuong a siem khum hai hrihfienna siem a nih. Agenda dang dang putlta a um hai hrihtlang a ni hnungin January 26, 2017 nia India

TPO in JACAATB-a an palai an hnukkir

CCPUR: Thangkhal People Organisation (TPO) Headquarters chun JACAATB-a an palai hai an hnukkir thu Chief Convenor, JACAATB an inhrietir. January 15, 2017 nia Zomi Council hnuoia meeting thutlukna dungzua JACAATB-a an palai

ZEO in 3 Days Training a hawng

CCPUR: January 20, 2017, 10:00AM khan Mr T. Goukhomang, ZEO, Churachandpur chun Synod House, Hill Town-ah "3 Days Capacity Building on Shaala Siddhi & CCE" a hawng. Hi huna hin Madam Hlai, Dist. Institution Co-Ordinator, SSA-RTE in welcome address a hril a, T. Goukhomang, ZEO/DPO in Training in thuhrlina hun a hman bawk.



VAWISUN THUPUI

Thlamuogna ka mak pek cheu hi; keima thl-
amuongna ka pek cheuva; khawvelin a pek ang
cheuvin ka pek naw cheu hi, In lungril lungin-
ing naw raw seh, ti khawm ti naw raw seh.
Ka fe hmanh ding a, in kuomah hung nawk ka
tih, ka tizie cheu kha in hriet tah. Nangnin in
mi hmangai ni unla Pa kuomah ka ka fe ding a
ni leiin in lawm ding a nih; Pa chu keia nekin a
ropui lem si a. - *Johan 14:27-28*

Editorial

Election boruok

Election Commission of India (ECI) in 11th Mani-
pur Assembly election, 2017 hun dingin March
4 le 8 hai a ruot fel ta a chu tum danga inthlang
boruok leh khaihin chun inthlang boruok hin
thawm a la neilien naw hle. Election Notification
insuo a la ninaw lei dam, candidate dinghai hming
puonglang fel a la ninaw lei dam le inthlang ding le
inzawma zui le zawm ding ECI in a siem khaui lei
haia election thawm ri hi a la re a ni el thei. Party
thenkhatin an candidate ding thenkhat hming an
hung hrihang tan a, political party dang dang hai
khawmin an party candidate ding hai hming hung
puonglang pei an ta, election thawm ri le election
boruok hi tum dang hai ang thoin a hung um ve le
a hung lum tan ring a um.

Election Commission of India chun inthlang
felfai lema nei a hung ni theina dingin sawrkar,
political party, candidate, media le mipui hai zui
le zawm ding (guidelines) chi tum tum a hung
siem ta a, tuta hma nek daia khaui le fet lemin dan
le dun hai a hung siem a, election huna sengso
chungchanga khawm ECI hi a hung fet lem a,
sum le pai, thilpek le thil dang dang hai hmanga
vote campaign nuom hai ta ding khawma tum
dang nek chun chet a harsat lem deu ding niin an
lang. Thawklekhatin thil iengkim felfai zo vawng
naw sienkhang, tuta tuma inthlang boruok hin
a nauka inthlang boruok a hung siem tha thei pei
dingah beisei a nih.

Election le inzawmin model code of conduct
hmanh an ta leiin thaw ding le thaw lo ding tam
tak a um a, hi thil hin print le electronic media
hai khawm a huomsa a, an fimkhu le an inveng
ve a tul. Hi lei hin election le inzawma thu insuo
nei nuomhai khawma Media hai hi an nuom dan
dana an namnul a, ni dang anga thu an insuotir
chu thil thei ding a ni ta nawh. Candidates le po-
litical party tum han thu insuo nuom an lo
nei a ni khawma ECI guidelines ang thuneituhai
kuomah Media Certification an lak hmasak a tul
ta a nih. Media hai mawphurna le ECI guidelines
in a khuokhir ve dan hi candidates le political par-
ties han an hrietthempui a tul a nih. Zui le zawm
dinga ECI in a hrih hai hi hriet seng a tul.

Tum dang nek takin tuta tum hin ECI Guide-
lines a khaui a, a thilthaw tum dan hi a fet hle a.
Hi lei hin candidates le political parties hran
hran hai khawm tum dang neka ECI guidelines
le Chanchinbu an tiem rawn a, an fimkhu zuol
a tul a nih. Ei hriet seng angin Paid News leiin
Chief Minister ni hlak, Minister, MP le MLA lo
ni hlak le a ni lai mek thenkhat an inawk ta hlak.
Tuta tuma ECI guidelines lem hi chu a khaui zuol
bik a, hi lei hin CM, Minister, MLA ni lai mek
le MLA ni tum hai po po thaw ding le thaw naw
ding tuah hin fimkhu zuol hle ding a nih. Hien-
gang bawh hin Media hai khawm inawk thei an
nih. Hi lei hin print le electronic media haia sin
thawtu hai khawm an fimkhu a tul a. Chuleiin
candidates le political party hai khawma an hri-
etthempui a tul a nih.

Hieng laizing hin inthlang hung um dingah
hin party le party, candidates le candidates hai
inkarah khawm inthlang boruok hi a hung lumin
a hung sosang thei a. Hi huna khawm hin patling
annawleh nutling taka thil thaw a tul ding a nih.
Tawng inthlada le fimkhu tawh naw leia case
awr thei le candidate nina laka disqualify theina a
um a nih ti hi hriet tlat ding a nih. Mimal inbeina,
indem le insawisena nekin mipui ta dinga thil
ha ding tiengpang vote campaign hla hung ni thei
lem sienla lawmum hleng a tih. Mimal thil talua
inbeina le inhrilsietna hi chu mipui khawma an
lem thei naw a, a hlakna bo a nih.

Mipui tiengpang khawmin ram le hnam thatna
ding le hmasawna ding tiengpang ei invawi ve
phak a hun ta a nih. Vote campaign huna khawm
sum le pai, thilpek le thil dang danghai hi chu ei
ngainep a, ei hnawl ngam ding a nih. Mipui ei
indik a, ei ringum phawt chun candidate-hai hi in-
diklo takin che ngam naw hrim hrim an tih. Vote
hlu tak neitu mipuihai hin ringtla le innghatnat-
lak ding, ram le hnam hnuk le banpai la hung ni
thei ngei ngei ding hai thlangtling tang ei tiu. Ei
ram le hnam mamaw a nih.

Editorial Board

Lalmalsawm Sellate: Editor & Publisher
Roding L. Sellate: Jt. Editor
Ramditum @ Rama Ralsun: Asst. Editor
Lalsansuok Pulamte & Samuel Zothanglien@SZ Zote: Sports
Joseph Joute: Freelance
Lalruotlien Dulien: Computer Assistant
*Edited & Published by Lalmalsawm Sellate at HT Office,
Lighthouse Lane, Churachandpur and Printed by him at Lamka
Super Printer, Vengnuam, Hiangtam Lamka, CCPur, Manipur.*

DISTRICT THARHAI HI

- **Lal Dena**

Ei chengna Manipur state hi Fifth Schedule hnuoia
um a nih a. Assam, Meghalaya, Mizoram le Tripura hai
ruok chu Sixth Schedule hnuoia um an nih. Ei hriet ta
angin tribal/scheduled area hi Manipur pumpui hmum
10-a thea hmum 9 zet a nih. Schedule area um hai hin
reserved quota neia Manipur Legislative Assembly-ah
aiawtu an intir baka, a hran lieuva mania roinrelna
autonomous district pariet a nei a. Hi hi Sixth Schedule
District provision zula buotsai a nih. Sixth Schedule
district ei hni rawpa, hi hi thil theilo chu a ni nawh a,
thil intak a nih. Sixth Schedule hnuoia um ding chun
Indian Constitution siemthat (amend) a ngai a, chu
ding chun state sawrkar le central sawrkar remtina lak
hnungna, parliament-ah member hmum thuma thea,
hmum hni'n an remti a tul.

December 9, 2016 kham a umsa zing district 8 hai
baka district 7 siem belsain a um a. Gazette notification
insuoin, a awptu ding Deputy Commissioner le SP hai
khawm ruot fel an ni nghal. Chief Minister O.Ibobi
khawmin a khawnbawl thenkhat hai leh district
siemthar hai hawngna a hmatiem in a nei nghal. Chu
umzie chu tuhin district 15 ei nei tah tina a nih..

Iengleia hieng district thar hai hi siem that an ni
am? Asan ni awma inlang hai zuk tarlang ei tih..

PAKHATNA: Damte'n Manipurah khawm BJP
wave a hung insang tiel tiel a. Assam rama kum tam
tak Congress lo inlal ta khawm phur thlukin a um a.
Manipurah khawm Congress kum 15 an inlal tah a.
Assam rama ang bawkin Manipurah khawm political
change um thei dingin an lang a. Congress MLA ni
lai dam an inbana, BJP-ah an lut a. BJP MLA khawm
inbanin Congress zawm an um tho. Amiruokchu, a
state pumpui enin BJP wave a hung insang tiel tiel a,
hi hi ngaita thei a ni nawh. Hi dangna ding hin district
thar hai siem an nih.

PAHUNA: ILP Bill siem leiin, tlangrama MLA po
mipuiin themnaw an inchangtir ei baka, an hnawl
a, a then lem chu social boycott chen thaw an nih. Hi
bill dona tribal movement sabotage-na hmangruin hi
district tharhai hi siem an nih. Tribal MLA an mipuihai
hmaa hmai man ta lo hai an hmai phifaipekna dinga
hieng districthai hi siem an nih. An tum ang hrimin hi
district thar huom sanga mipuihai chun an lawm hle.

PATHUMNA: UNC movement a fe zing a, economic
blockade khawm ni 50 chungrau h lo aw tah. Hi
UNC movement sukzuoina ding hin Naga chengna
khuohai thenawin district tharhai hi siem an nih. Naga
inhlawmna bik deuh chu None district a nih. Hieng
district thar, abikin None district, Kangpokpi district,
Tengnoupal district le Kamjong district-hai hin UNC
political goal ieng chen am kakhawk a nei ding, lo
thlir ei tih. Ieng chen in am UNC politics a hung siem

danglam ding, a tha tieng am, a tha naw tieng? Ibobi
sawrkarin UNC movement a chona a nih.

PALINA: Ibobi (Congress) 'divide and rule' policy
a nih. Tlangmihai Naga le Mizo-Chin-Kuki inthuruol
hi phaimihai ta dinga thil dit um lo pakhat a nih. Hi
district thar siem lei hin hnam thenkhat an lawm a,
thenkhat an pheng indura. Mi tin suklawm thei a ni
naw hrim a. Amiruokchu thil pakhat chieng takin a
vuok deih. Hi district thar siem lei hin tlangmihai
inthuruolna nasa takin a sukhnou baka, tlangmi le
tlangmi inkarah khawm inringhlelna a hringsuok mek
bawh anih.

PANGANA: Congress Party hin electoral a beisei leia
district tharhai a siem a nih. Iengleia hun khang chen
kha a to vung vung am a na? Election zuk hmasuon el
ding, election hun ding tarik la puong hma si, election
code of conduct-in a huom hman hma si, a hun (timing)
hisak dapa, district thar siem hi a puong thut a nih.
Stakeholder-hai le mipui inrawna a um hman nawh.
Chuleiin, district thar siem lei hin Congress Party hin
cheap popularity le electoral gain a beisei a nih ti a
chieng.

Sukputting (implementation process): Hieng
district siemtharhai detail-in a sinthaw dan ding a hrih
naw hi a tricky vieua an langna a nih. A hmaa district
um ta sa hai khawm revenue district vawng an nih.
Beisei dana chu a hmaa district lo um tasaa department
39 hai khawm a um vawng ding a nih. A hmaa district-
hai ang bawkin council member, district boundary
le constituency siemthar ning a ta, council member
iengza'm um an ta? ti hai chu sawrkar thar mawphurna
hung ning a tih. Tu hri hin chu hieng district thar
sukputting ding hin Deputy Commissioner concerned
le bieltu MLA le public leader an pawmaw seng. Ei
hmaa inthlangna um ding leiin bieltu MLA chun tuhin
ku a rawl thei hri nawh.

Hmathlir: Manipur state hi deficit state a nih a,
mania intodetle state a ni nawh. District 8 um tase baka
district thar 7 belse a nih a. Chuleiin, state budget nasa
takin a hung ngawng ding a nih. District thar puong
a awl angin, a sukputting hi a awl naw ding a nih. March
2017 inthlang zova, tu pawlin an ministry hung siem
an ta? Hunin hung hrih'ing a tih, lo ngakh hri phawt
ei tiu. Tu pawl ministry khawm hung inlal hai sien,
district thar 7 hai butlinga siem chu an mawphurna a
nih. Inchik ding pakhat chu district thar 7 hai Congress
ministry siem a ni lai zingin Manipur state sawrkar
siem a nih. Sawrkar pakhatin a lo siem ta chu ministry
dangin a hnawl thu a um nawh. Hmabak an kho hle.

Lal Dena
+919402789963

Kum 4 an hmanh hungrin a sunghai le inhmu ding

SHILLONG: Garo Hills, Meghalaya a kum 25 mi
Sillian A Sangma chu Kolk-
kata hmuna kum 4 sung
zet inhmanga an vakvai
hningun, Social Activist
le media hai thangpuina leiin
a sunghai leh inhmu nawk
thei dingin a um tah.

Sillian chu December
12, 2012 kham Chennai a
intha kha Assam mi a ruol-
hai 2 le khuo tieng an kir
huna Kolkata a inhmang
ani a. Rêl in tiansin a, a
thuomhnaw le I-Card hai
khawm a chan vawng a,
Hindi, English le Bengali
tawng them lo ani bawh

leii, Kolkata a inthaw
chun a kir thei ta naw a nih.
A sunghai hmelhriet
pakhatin sin pek dinga hri-
lin Sillian chu Chennai-a a
thuoi ani a, chuonga Kolk-
kata hmuna an hmanh hung
chun, lungril buoina a nei
leii in umna le a thilthaw
ding iengkhawm hrietna a
nei ta nawa hrih a nih. Kum
4 sung chu nitin Kolkata
khuopui fang kuolin, kut a
daw hlak a nih.

In inlawi lo le biekw
thei ani ta naw phingin,
December 28, 2012 kham
a sunghain FIR an thlut
a, a zawng ngaina rak chu

an hriet chuong nawh. A
chanchin an hriet tawpna
taka a sunghai a bieknna chu
auto driver hai phone dam
a hmanh pek a nih.

A sunghain inhmang
sawng ding ang an ngai,
an vawikhat beidawng
hningun Social Activ-
ist Shoshon A Sangma t
hangpuina in a umna an
hriet pha a nih. Sangma
chun media hai inbiek-
puuin, theitawp suo in a t
hangpuia tan nghal a. Social
media hai a chanchin le
a thlalak hai suklang ani a,
chu hningin mi thenkhatin
Sector 5, Salt Lake, kolkata

laia an hmu thu an intlun
a nih.
Salt Lake laia in chukna
neia um Tura mi Supratim
Sinha in social media-ah a
thlalak a suklang hmasatak
a, West Bengal a social ac-
tivist Cornelius Gomes in
a hmuna enfelna neiin, a
sungkuo hnai 2 chu Kolk-
ata panin an fe nghal a. Sil-
lian chun a nina an hrih lai
chu pawm lovin hun sawt
tak a um a, a sungkuo hnai
hai hmel a hmu le an thuhlir
lei chun a harsuok nia hrih
niin, zanikhan Garo Hills-a
an chengna In hung pan pui
mek a nih.

Budget print tan; pharna hun sawn ding le ding naw hearing nei ding

NEW DELHI: February 1
a Budget thar suklangna
nei ding chungthua oppo-
sition party hran hran hai-
in sawiselnna siem a, state
5 haia Assembly election
nei zo huna phar chau dinga
ngenna an siem le inza-
wmin, hung tung ding
Thawtanni hin Supreme
Court in hearing nei a tih.
Congress le opposition
party hran hran hai chun,
Assembly polls zo March
8 a 2017-2018 Budget
chu suklang chau dingin
ngenna an siem a. Budget

ALL INDIA RADIO: CHURACHANDPUR PROGRAMME

Date: January 21, 2017 (Saturday)
TRANSMISSION- FM-101.4 Megahertz

Hours	Studio/	Programme	CD/No
5.23pm	CR/P	Signature	
5.25pm	CR/P	Vande Mataram, Time Reading, Opening Announcement & Mangal Dhvani	
5.30pm	P	PAITE Prog. Sig. Tune & Announcement Announcer: Vungthiansang 1) N. Ginsunmang & party (dev) 2) Employment News	CD-1558
6.00pm	P	HMAR Prog., sig. Tune & Announcement Announcer: Malsawmkim 1) Anthiem Ngei (dev) 2) Employment News	CD-248
6.30pm	P	THADOU Prog., sig. Tune & Announcement Announcer: Lunminhao 1) Jeff Akai Haokip (mod) 2) Talk: "Transparency in government schemes" by M. Khaikhohao 3) Employment News	CD-1454 CD-1620
7:00pm	P	FARM & HOME: Thadou 1) Wricky Singson (mod) 2) Talk: "Thiengthem bolho dia ki hilna" by SL Jangkhohlam	CD-782 CD-1621

**DISTRICT HOSPITAL: CHURACHANDPUR
OPD DOCTOR DUTY ROSTER
JANUARY 21, 2017 (SATURDAY)**

Sl	Name of Doctor	Department	Operation Day
1.	Dr. Tunlalmuan, DLO Dr. Seikholet, MS	ENT	Tuesday
2.	Dr Chaójajt Singh, MD Dr Vunghoichhing, MO Dr Mary Joy, MO Dr Niangngaihlia, MO	Obst. & Gynae	Thursday
3.	x	Psychiatrist	
4	Dr C. Lalbiakdikli, MD Dr Bidiarani Dev, MO Dr Liangoumuan Samte, MO Dr Jungey Ngailunching, MO	Medicine	
5	Dr Kamlalmuan, MO Dr A.B. Meitei MS	Surgery	Wednes- day
6	Dr M.Nando Sing, D. Ortho Dr Shyam Kesho Singh, MS Dr Hegin Tungdim MS Ortho	Orthopedic	Friday
7	Dr A. Tiken Singh, MD	Skin	
8	Dr Ngaimuankim, Homeo	AYUSH	
9	Dr Tongzakai, MD Dr Lalzarzozien Sanate, MO Dr Bidiarani Devi, MO	Pediatric	
10	X	Adolescent Clinic	

EMPLOYMENT NEWS

Union Public Service Commission (UPSC) chun
Army, Navi le Air Force Wing a National Defence
Academy (NDA) 139th batch le 101st Indian Naval
Academy Course (INAC) January 2, 2018 a tan ding
hai lakna dingin National Defence Academy and Na-
val Academy (NA) Examination (I) 2017 April 23,
2017 khin huoihawt a tum. Inhnikna nei han Febru-
ary 2, 2017 chenin upsonline.nic.in ah Online ap-
plication peklut thei ning a ta, thu chieng lem UPSC
website:www.upsc.gov.in ah thu chieng lem hriet thei
ni bawh a tih.

Post ruok dan: National Defence Academy a din-
gin 335 (Army-208, Navy-55 le Air Force-72); Naval
Academy a dingin 55 a nih.

Educational Qualification:

(i) Army Wing NDA a dingin Class XII (10+2) le a
tlukpui annawleh degree zo.
(ii) Air Force le Naval Wings NDA a dingin 10+2
(Class XII) with Physics and Mathematics.

Class XII Exam-a thang hai khawmin application
pek thei a nih. Amiruokchu, hlawtlingna an lo chang
khawmin December, 2017 chenah Class XII le a tluk-
pui an passed ngei ti sukchiengna an peklut ngei ding
a nih.

Fee: SC/ST candidates JCOs/NCOs/ORs nauhai ta
dingin fee pek a tul nawh.

Exam Centres: Agartala, Ahmedabad, Aizawl,
Allahabad, Bengaluru, Bareilly, Bhopal, Chandigarh,
Chennai, Cuttack, Dehradun, Delhi, Dharwad, Dis-
pur, Gangtok, Hyderabad, Imphal, Itanagar, Jaipur,
Jammu, Jorhat, Kochi, Kohima, Kolkata, Lucknow,
Madurai, Mumbai, Nagpur, Panaji (Goa), Patna, Port
Blair, Raipur, Ranchi, Sambalpur, Shillong, Shimla,
Srinagar, Thiruvananthapuram, Tirupati, Udaipur le
Vishakhapatnam.

**2. Indian Army hnuoiah Short Service Commis-
sion Officer (SSCO)** 54 a ruok. Inhnikna nei hai ta
dingin February 15, 2017 chenin online hmangin ap-
plication peklut thei ning a tih.

Thiemna: Graduate/degree with (50% marks) ni a tul.
Hlaw: Rs. 15,600-39,100 per month.

Kum : 19-25 yrs

Thu chieng lem www.joinindianarmy.nic.in ah hmu
thei le hi website fethleg hin Jan. 17, 2017 a inthawk
Online Application peklut thei ning a tih.

3. Central Reserve Police Force (CRPF) hnuoiah
Constables (Technical & Tradesman) Male/Female
Post 2945 a ruok.

VACANCY DETAILS:

1. Bihar: 189 Posts	2. Chhatisgarh: 79 Posts
3. Jharkhand: 108 Posts	4. Madhya Pradesh: 121 Posts
5. Odisha: 73 Posts	6. Uttarakhnad: 22 Posts
7. Uttar Pradesh: 343 Posts	8. West Bengal: 213 Posts
9. Sikkim: 01 Post	10. Punjab: 99 Posts
11. Himachal P.: 14 Posts	12. Jammu Region (J&K): 42
13. Kashmir Valley (J&K): 71	14. Delhi: 48 Posts
15. Haryana: 39 Posts	16. Rajasthan: 125 Posts
17. Chandigarh (UT): 04	8. Assam: 140 Posts
19. Meghalaya: 50 Posts	20. Arunachal: 15 Posts
21. Tripura: 26 Posts	22. Mizoram: 07 Posts
23. Manipur: 37 Posts	24. Nagaland: 95 Posts
25. Telangana: 100 Posts	26. Andhra Pradesh: 137 Posts
27. Karnataka: 138 Posts	28. Kerala: 106 Posts
29. Tamilnadu: 200 Posts	30. Pondicherry (UT): 02 Posts
31. Goa: 03 Posts	32. Maharashtra: 183 Posts
33. Gujrat: 115 Posts	

Kum 21-27 inkar ni a tul a, minimum qualification
Class X passed ni a tul.
Fee Rs. 100/- a ni a, SC, ST, Ex-Servicemen & Women
candidates hai ta dingin fee pek a tul nawh.

Inhnikna nei han January 31, 2017 a inthawk March
1, 2017 inkar sungin CRPF website:www.crpfnic.in-
ah thu chieng lem hriet thei ning a tih.

Important Dates:
Starting Date for Online Application: 31-01-2017
Last Date for Online Application: 01-03-2017.
Last Date for Fee Payment through Challan: 20-02-
2017. Date of Written Examination: 14-05-2017.

4. Directorate General, Assam Rifles, Shillong
chun March 1, 2017 nia Assam Rifles hnuoia post
tum tum 614 lakna ding recruitment notice an suo
a. Inhnikna nei han prescribed Application format
hmangin February 4, 2017 chenin application peklut
thei ning a ta, ram kirkhawh a cheng hai ta dingin Feb.
20, 2017 chenin peklut thei ning a tih. SC/ST/Ez-SM le
nhuimei candidate hai ta dingin fee pek a tul nawh. Thu
chieng lem [http://www.govtjob.guru/wp-content/up-
loads/2016/03/Assam-Rifles-Technician-Tradesman-
Vacancies-Notification-2017-www.govtjob.guru_1.
pdf](http://www.govtjob.guru/wp-content/uploads/2016/03/Assam-Rifles-Technician-Tradesman-Vacancies-Notification-2017-www.govtjob.guru_1.pdf) ah hmu thei ning a tih.

Post lak ding hai chu a hnuoia hai hi an nih:-
Hindi Translator Grade-II : 23 posts
Regional Teacher JCO : 05 posts
Bridge & Road JCO : 08 posts
Staff Nurse : 18 posts
Clerk : 100 posts
Personal Assistant : 24 posts
Electrical Fitter Signal : 09 posts
Lineman Field : 20 posts
Radio Mechanic : 21 posts
Armourer : 16 posts
Instrument : 02 posts
Electrician Motor Vehicle : 05 posts
Metalsmith : 07 posts
Upholster : 03 posts
Welder : 06 posts
Blacksmith : 02 posts
Engineer Artificer : 02 posts
Draftsman : 08 posts
Electrician : 07 posts
Plumber : 08 posts
OT Technician : 01 post
Physical Therapist : 01 post
Laboratory Assistant : 08 posts
Pharmacist : 32 posts
X-Ray Assistant : 43 posts
Veterinary Field Assistant : 03 posts
Female Attendant / Ayah : 10 posts
Female Safai : 11 posts
Cook : 100 posts
Male Safai : 28 posts
Washerman : 32 posts
Barber : 16 posts
Equipment & Boot Repair : 12 posts
Tailor : 19 posts
Carpenter : 04 posts

CHANCHIN LAKTAWI

Rothil leiin mi 2 hreia chék hlum

BANDA: Uttar Pradesh a tlangram khuo Mau a cheng sungkuo pakhat chu rothil leiin an insuk-buoi a, mi pakhat Mahendra an ti pa chun a pa le a unaupa nuhmei hreina chék hlum. Thata um hai chu Saligram Singh (70) le Saroj (40) hai an nih.

NSCN-IM thuoitu insuo dingin DIMAPUR: Bhalok/Phalong, Tamenglong district a Army haiin an man NSCN (IM) executive member ZD Bon chu NSCN (IM) in insuo dingin sawrkar kuomah ngenna an siem. Bon chu programme pawimaw tak hmanga fe In tieng a sungthai le an inlawina lampuia man a nih.

Libya-ah IS fighter 80 that LIBYA: Sirte, Libya hmuna Islamic State fighter hai intawmna US sipai haiin vanboruok indona hmangan in kap a, IS fighter 80 zet kaplum an nih.

Mali bomb puok leia thi 70 MALI: January 18, 2017 nia Mali hmuna thichil bomb puok leia mi hriehi thina tuok chu 70 an chuong ta niin official report chun a hril.

Jallikattu le inzawma darkar 12 bandh; ni 1-2 hnunga thusuok siem ding

NEW DELHI: Tamil Nadu a Pongal an hmang huna infiemna Jallikattu Supreme Court in a banned-na hlip dinga protest thawtu hai sukchawlna dingin, Tamil Nadu sawrkar chun Jallikattu chungthua thusuok chu ni 1-2 hnunga siem ani ta ding thu a puong a, khapna dan hlip ani beisei a um thu hrilin, a draft copy Union Home Ministry-ah peklut ani ta thu a hril.



hrilin, protest thawtu hai chu an helna twapsan dingin a hril a nih. Ningani a Panneerselvam New Delhi hmuna a cham sung khan, Prime Minister le dan hriemi iemanizat inrawnpuina a nei a. Thutluka an siem dungzuin, zanikhan draft

ordinance Home Ministry-ah peklut niin, Home Ministry in approval a thaw zo hunah, President kuomah a hrietpui ding le remtina a pek dinga peklut nawk ning a ti.

likattu khapna dan hlip dinga ngentu pawl haiin zanikhan a ni 4 na dingin an hmaklakna chu ngawr takin an pepui nawk a Chennai chau nilovin, Tamil Nadu khawpui hran hran Alanganallur le Madurai hai thangin protest thawtu an um belsa pei a, protest

thawtu hai chun, an ngenna le inzawmin thu chihran hran zieklin poster le banner hai an tãr a, placard chaw pwl umin, slogan hril ruolna an nei tawl baw.

Puducherry a khawm Jallikattu khapna hlip dinga protest thawhai thlawptu pawl haiin darkar 12 sung bandh an ko a, sumdawnngna hmun le in-chukna in hai khar an nih. Bandh kotu hai laia hmala-tak chu student hai niin, khawpuia Anglo-French Textiles Maidan tuol-ah inthung bumna an nei a, ni 4 sung zet protest an nei chu sunzawm a ni tah. Sawrkar office hai hawng nisrien khawm, Government Employees Federation in bandh a thlawp leiin, office kai chu an um meu nawa hril a nih.

PIL LAK THEI A NIH

Pil dit hai ta dingin a thlawnin Rengkai Muolhlum-ah lak thei a nih. Pil la ding hai chun contact No. 841395672 ah ngaiven ding a nih. Truck lien khawm harsatna um lova lut theina a nih.

Jharkhan MLA 4 House a inthawk hnawtdawk

RANCHI: Jharkhand Assembly-a JMM MLA 3 le Congress MLA 1 hai chu November, 2016 a Assembly inthung huna maw lo taka an um le thil an thaw leiin January 19, 2017 a inthawk March 31, 2017 chena dingin Inpui inthunga thang thei lo dinga suspended an nih.

Suspended a um hai chu JMM MLAs- Amit Mahto, Sashi Bhushan Samad le Paulus Surin hai le Congress MLA Irfan Ansari hai an nih. Suspended an ni sung

hin an hlaw khawm cheltang ning a ti. Jharkhand Assembly history-a dingin hienganga MLAs House a inthawk suspended na hmasa tak a la nih. MLAs 4 hai hin November 23, 2016 nia Assembly hmuna Jharkhand Tribals hai ta dinga Chhotanagpur and Santhal Pargana Tenancy Acts amendment bills an passed huna buoina siemin tables, chairs microphone hai an suksiet bakah chair in speaker an deng a nih.

Transaction charge sukhuoi dinga hma lak mek a nih: Ujjit Patel



NEW DELHI: Demonetisation le inzawma zawna siema um hai hrilfina nei dinga ko an ni angin, zanikhan RBI Governor Ujjit Patel le Finance Ministry officials thenkhat chu Parliament a Public Accounts Committee (PAC) hmaah an inlang a, demonetisation hnungin online transection thawna hai a transaction charge sukhuoi dinga hma lak zing ani thu Patel in PAC kuomah a hril.

RBI Governor in a hril pei dan chun, Rs. 500 le Rs. 1,000 hai hawl ani a inthawkin Rs. 9.2 lakh crore (135 billion USD ang hu) notes hnaw hai hmun hlutu ding print thar ani ta thu a hril a, notes that tah hai iengzat char am hmukir ani tah ti ruok chu a hril nawh. Meeting nei zoa PAC Chairperson KV Thomas in reporter hai bula a hril dan chun, February 10 in committee int hung nawk ding niin a hril a, chu huna chun Finance Ministry officials hai leh hril tlangna nei nawkin, a thu umdan izirin RBI Governor khawm ko nawk a la ni ding thu a hril.

ding thu a hril. November 8 a demonetisation thaw ani a inthawka RBI Governor in Parliament panel hmaa vavihni anlangna ani tah a, Nilaini a Parliament panel hmaa anlang tum khan, Patel chun demonetisation chu January thlaa tan dai ni tah in a hril a nih.

Thailand le Hong Kong-ah NRL

GUWAHATI: NRL chu rambung hran hran 5 leh inzawmna neia thawn suok ani hnungin, Thailand le Hong Kong le khawm inzawmna nei nawkin, NRL chu a tum khatna dingin 100 MT thawn a ni tah.

a ding Fully Refined Paraffin Wax (FRPW) 20 MT le Hong Kong a ding 80 MT hai chu Samiran Chakraborty, GM (Maintenance) in vaiienna a nei. Thailand le Hong Kong a thawn suok nawkna le hin, NRL chun rambung hran hrana NRL's Wax Plant paraffin wax a thawn suok chu 1.9 thousand metric tonnes ani ta a nih.

Follower hau tak Modi ni ta ding

NEW DELHI: Barack Obama in US President a chwalsan ta leiin, khawvel rambung thuoitu hai laia social media a follower nei rawn tak chu Prime Minister Narendra Modi ani ta ding a nih. Modi chu Twitter ah 26.5 million, Facebook ah 39.2 million, Google+ ah 3.2 million, LinkedIn ah 1.99 million, Instagram ah 5.8 million le You Tube ah 591,000 followers a nei mek a nih.

India Prime Minister hai laia digital hmanga in-biekna hmang tangkaia sukhasmanv hmasatak ani a, sawrkarna thila khawm India mipui hai kuoma thuhirina dingin technology a hmang tangkai baw a nih. Modi hmanga mobile apps siem khawm 10 million neka tam download ni tah in, politics thila ding chun khawvela hmang inlar le a hmangtu an tam tak a nih.

Rajinikanth, Kamal Haasan, Trisha le Tamil actors thenkhatin silent protest



CHENNAI: Tamil Nadu a thalal le mipui tam takin Jallikattu khapna dan hlip dinga an nawma a protest an thaw chu, South Indian Artistes' Association (SIAA) in a thlawp veh a, zanikhan SIAA headquarter, T. Nagar-ah punghawmin silent protest an thaw. SIAA protest a chun Tamil actors inlar tak tak Rajinikanth, Kamal Haasan, Ajith, Suriya, Dhanush le mi midang tam tak an t hang ve.

SIAA President Nadigar Sangam in protest inrawina a nei a, General Secretary Vishal, Treasurer Karthi le vice-president Ponvannan haiin Sangam chu an thlawp baw. Protest nei lei chun Tamil Nadu sunga Cinema hall hai khar vawng ani a, Tamil film union, technicians, directors le producer association hai khawmin protest an thlawp thu an puong.

Actor Silambarasan, kar hmasaka video hmanga Tamil mipui taphawt khawpua suoka protest nei dinga fieltu ruok chu silent protest a chun a thang ve nawh. Actors dang a thang hai laia inlar zuo delu hai chu Sivakumar, K Bagyaraj, Sathyaraj, R Parthiban, Prabhu, Mansoor Ali Khan, Sivakarthikeyan, Santhanaam, Ramesh Khanna, AIAADMK member hlui Anandaraj, Manobala, Y Gee Mahendran, Narain, Rahman, Trisha, Shalini le Kova Sarala le Poochi Murugan hai thangin, SIAA executive committee members hai an nih.

Tienlaia an pi le pu haia inthawka an dawngawng, Pongal an hmang huna infiemna thupui taka an nei hla Jallikattu banned-na chu hlip dinga thalal ruolin protest nei an so rak rak laiin, Actors hai ruok chu to tawk tawkin an um a, "to tawk tawkin ngir kan ta, hero indiktak ngir kan thir ding a nih. Thalal ruolin protest nei raw hai seh" tiin SIAA President Nadigar Sangam chun a hril.

RSS volunteers in an campaign leia Congress-in complain

NEW DELHI: India state 5 haia Assembly election neina ding le inzawma in-buotsaina chu a fe zing a, party hran hran hai chun thang an lak nasa hle a, hmun tum tum hai ah campaign neini, insawisel tawnna khawm an nei zing baw.

Pradesh-ah BJP candidate hai tadingin RSS in volunteers tirin campaign an nei thu a hril a, chu chungthua chun EC inrawl dingin a ngen baw.

dinga hrilin, Model code of conduct indik taka inzulitir ding le, party tin hai associates le affiliates body hai campaign in thawtir lo dingin a hril a nih.

Zanikhan Congress party in Election Commission-ah complaint a thelut nawk a, a complaint a chun Uttar Pradesh in a hril peina a chun, EC chu state hran hran haia CEOs le DEOs hai chu an sinthaw dan ding thurawn siem dingin a hril a, party tin haiin election campaign an nei dan hai chu uluk taka enfena nei

Congress in a hril peina a chun, EC chu state hran hran haia CEOs le DEOs hai chu an sinthaw dan ding thurawn siem dingin a hril a, party tin haiin election campaign an nei dan hai chu uluk taka enfena nei

Lawyer pakhatin Rahul kurta thaina ding Rs. 100 thawn

VARANASI: Congress Vice President Rahul Gandhi kurta in-ek thaina dinga Ghaziabad a mi pakhatin demand draft hmanga Rs. 100 a thawn hnungin, zanikhan Varanasi a Lawyer pakhatin lekhatawn le Rs. 100 baw kurta thaina dingin a thawn nawk.

ani a, Rishikesh rally nei laia Rahul a kurta in-ek thu media fethlenga a lo hriet thu lekhatawna chun a ziek a, "Demonetisation hnunga I (Rahul) pasiet zie ka hriet a, BANK le ATM a intlar a pawisa i thlang haiin i nitin mamaw le foreign inzina ding in manage harsa i ti thu ka hriet" tiin thamo takin, nuizat sienna a Rahul hman-

gin lekhatawn a chun a ziek a nih. Uttarakan a meeting an nei laiin, Rahul chun a kurta in-ek thu hrilin a suklang a, "Ka mansa an ek-a chu pawika ti nawh. Amiruochu, Modi in politics ah mirethei hai tadinga ngir nia an hril laiin, zakuo in-ek a hak hmu ngai naw ti niu" tiin a hril a nih.

Lawyer chu Dinesh Kumar Dixit niin, District session court a Lawyer sinthaw

J&K thanguina dingin centre in Rs. 2,207 cr

NEW DELHI: Jammu and Kashmir state a scheme hran hran hai sukpuitingna a hmang dingin, sawrkar thlungpuiin zanikhan Rs. 2,207 crore thanguina pe dingin a puong a, chuong hai lai chun buoina leia thi sukset hai siemthamna dingin Rs. 1,093 crore a thang sa a, fund chu 2016-17 financial year sunga pek ding a nih.

sawrkar thlungpuiin 2016-17 financial year sunga ding bawkin Bihar sawrkar Rs. 1,129 crore thanguina a pek ding thu a hril a, Bihar sawrkarin special plan a siemna hnuoia scheme hran hran hai sukpuitingna dinga fund chu hmang ning a ti. Bihar chu thanguina pek ani nawk chun, tuta financial year sung sawrkar thlungpuiin Rs. 6,934 a pekna ding ani tah. State pieng thar Andhra

Pradesh le Telangana hai khawm sawrkar chun special assistance a lo pek tah a, Andhr Pradesh thanguina dinga Rs. 1,976 a pek chu tuta financial year sunga mi a nih. Finance Ministry chun, Telangana a hmun hnufuolhai dawmsangna dingin Rs. 450 crore a lo pek ta baw a, Common Effluent Treatment Plants laksawngna a hmang dingin Rs. 200 crore Tamil Nadu sawrkar a pek baw.

Mexican drug lord El Chapo New York thuoit lung



NEW YORK: Mexico rama jail-a inthawk thawkhni zet lo tlawsook tah Inruitheilalpa ti hiela ko drugs kingpin Jaocuin "El Chapo" Guzman chu Drugs-a sumdawnngna case dang dang hai le inzawma a chungthu ngaituo dinga

United States in a ngenna angina January 19, 2017 zan sawthnung khan New York khawpui phurtlung niin federal law enforcement official thusuok chun a hril. Guzman hi drugs sumdawnngna Sinaloa drug cartel hotu tak niin an organisation hi khawvela drugs-a sumdawnngna tienga a lien pawl tak laia mi a ni a, zanikhan Brooklyn hmuna federal Courthouse hmaah inlangtir ni dinga hril a nih. Guzman hi kum 2001 khaan a vawikhatna dingin jail-a inthawk a tlawsook a, kum 10 chuong zet man kir dinga zawng a ni a, hi hnungin man nawk a ni a, hi hnungin kum 2015 khaan a umna Cell bathroom sunga inthawk hnuoiver (tunnel) hmangan a tlawsook nawk a, sienkhawm kum 2016 khaan mankir nawkin a hung um a nih.

Vur intawl in Hotel a vur khum leia thi 2 ruong hmu tah

FARINDOLA: Italy rama January 18, 2017 nia vur intawl in Hotel Rigopiano a vurkhum leia hotel sunga intang mi 2 hai ruong chu hmu a ni a, rescue team chun hotel sunga vur in a vur khum hai zawngna sin an zunzawm zing. Amiruochu Vur hi a sa taluo lei bakah lampui hai a dang vawng bakah thingkung le lungtum han lampui an dang leiin sansuokna sin hi a fe hrat thei nawh. Tuchenah hin motor 25 le rescue workers 135 hai chu hi thil tungna hmun an tung ta a, thenkhat heli-

copter a thak an ni baw. Vur intawl huna hotel-a um ve pahni dama suokdawk han thuneitu hai kuoma reop an peka inthawka hi thil tung hi hriet chau a nih. Hienga vur nasa taka an tawl el nasan hi chieng taka hriet ninaw sienkhawm vur intawl nia Italy ram, hi hotel umna bula inthawk hla rak loia simkhawlei inhnung lei ni dinga ring a nih.



Dama suokdawk pakhat chun, Hotel-a um hai hi vur in lampui a hruk leia lampui inthifai zoa hotel an suoksan ding hun ngahak an ni thu a hril.

Priyanka in Stunts tawpsan a tum nawh



LOS ANGELES: Tulai hnai ela People's Choice Award dawngtu Priyanka Chopra (34) chun a shooting thawnah insukhliema tuok sienkhawm stunts thaw tawpsan a tumnaw thu Entertainment Tonight report chun a hril.

Priyanka Chopra hi 'Quantico' second season shooting thawnah insukhliema a ni a, tuhin chu a damfel nawk ta a, zani hmasaa inthawk khan shooting khawm a tan thei nawk ta a nih.

Sports:

Arsenal Manager Arsene Wenger chun India chu nakie khawvela Football 'Ram' a la ni a ring

Football le inzawmin India chun sawtnawteah khawvela hril kai an la ni ding thu Arsenal Manager Arsene Wenger chun a hril. India hi hun sawt tak lo inlusu, ana-chu Premier League hai anga League ropui indin theitu ding an ni thu a hril bawh.



League ropui pakhatia tiem a ni ve chaw thu a hril bawh. Naupangte ei ni laia inthawk lekha ei inchuk tan a, dam te tea hung inthangling peim mithiem ei suok ang hin Football khawm damte tea intanin Tournament/

chun hun tam a la ngai thu le, tu chen ngirhun en chun China nekin India hi khawvel hriet a la ni ding thu a hril bawh.

Wenger hin Football Coach a tan hlim lai khan Japan League tieng a lo thang ve a, kum 1993-a intan Japan League chu khawvel hrieta inlar thei khawpin hma an sawn hnan chuang nawh. Ama ngei khawma, 'Kum 1995 khan Japan-ah Coach-in ka lo thang ve a, khawvel hrieta League sukulv ding chun hun tam a ngai ti ka hrietchieng,' a ti hlawl a nih.

AFRICAN CUP OF NATIONS

Liverpool Star Sadio Mane chun goal thunin Senegal Quarter Final a lutpui



African Cup of Nations (ACN) fe mekah Ningani zan khan Senegal le Zimbabwe an inkhel a, minute 10 chauh Liverpool Star Sadio Mane chun goal a thun ngal a, chu hnung minute 3 chaw a liemin Henry Saivet chun

goal dang a thunsa nawk a, Zimbabwe tiengin goal an thun thei naw lein Senegal chu 2-0 in an hrat sawng ta a nih. Chu dungzui chun Senegal hai Quarter Final an inhlangkai a, tukum ACN fe mekah Quarter Final kai

COPA DEL REY QUARTER FINAL FIRST LEG RESULT

Hratna chang inkhat Barcelona chu Neymar Penalty lei-in an hrat; Atletico Madrid chun Eibar 3-0 in an hne

Copa Del Rey 2016/17 Quarter Final Leg 1 chu Ningani zan khan inkhel a nih a. Barcelona le Real Sociedad hai inkhelin minute 20 naa Neymar Penalty leiin goal khatin Barcelona an hrat lem. Hi Penalty hi Messi pet ding ang deu ni sien khawm ama hin a neka goal thun tlawm lem Neymar a peksawng a, Neymawr khawm chun Real Sociedad hai goal vengtu chieng taka hlein goal mawi tak a thun a nih.

lona hi an che fuk zen zen ngai nawh a. Hi khelmuola an inkhel nuhng pariet haiah wawikhat khawm an hrat naw a nih. Barca Coach Luis Enrique chun, 'Anoeta a inkhel, a bikin Real Sociedad le inkhel hi thil awlsam a ni ngai naw reng reng a, ana-chu hnena hlu tak kan chang leiin kan khel tha thawkkhat ti thei a nih,' tiin hi game chungchang hi a hril.

Hong Kong Actor Andy Lau Insukhliem




HONG KONG: Chinese tawng hmang khawvel le filmah chu an lar pawl tak, veteran Hong Kong actor le singer Andy Lau chu zani khan Thailand ah commercial (film) shooting an thaw laiin a chuongna sakawr chungah inthawkin a thla a, a hliem inrik deu lein hospital admit a nih.

"January 17 khan Thailand ah commercial film shooting kan thaw laiin ka changsuol pal a. Sakawr chungah inthawkin ka thla a, ka hnukzawng ru ka tet na leiin iemani chen enkawl ka la ngai ding a nih. Tuhin chu ka hung tha pei tah a, medical team-in an ni enkawl zing a. Mi ditsakuhai po po

kuomah lawnthu ka hril" tiin a blog.

Lau hi wawisun Thailand ah inthawkin Hong Kong vuongpui a nih a. Stretcher in hospital-ah zawn lut a nih lai video le lim khawm hmu thei dingin a um wawng ta hnung khawmin a film production company Focus Film a inthawkin iengkhawm a chungchanga thusuok hriet

Alanis Manager-in \$7 million an rukpek




LOS ANGELES: Canadian pop star, Ironic le You Oughta Know saklartu Alanis Morissette a business manager hui Jonathan Schwartz chun, Alanis business manager 2009-2016 a thang sun-gin \$7 million (5.7 Pound) an ruk pek niin US prosecutors hai a hril. Mr Jonathan hin Ms Alanis pawisa hi ama account ah a lo thun ngat ngat hliak a nih.

America's Got Talent-ah NE nung-hak

DIBRUGARH: Northeast nungnak Munna Acharjee (20) chu American reality television show 'America's Got Talent' ah a talent suklanga nei dinga fiel a nih. Acharjee chu Assam mi niin, inchnu tieng sum hasratna leiin a nuom angin a thaw thei naw leiin, art le painting tieng talent a neihai chu sawr tangkaain, taima taka a thaw hnunga khawvel hriet hung hlaw a nih.

Acharjee chu Sai Baba Prachin Art and Craft School a inchuk suok ani a, kha hma deua Colors television network buotsai 'India's Got Talent' ah a lo inlang ta bawh a nih. A pa chu Santosh Acharjee niin, a nu Deepali Acharjee ani a, International platform a an langna ding le inzawmin, sum le paia thangpuutu ding a zawng mek niin ei thu lakna chun a hril.

Johny Depp: PCA's Favourite Movie Icon



LOS ANGELES: Hollywood cinema/movies star hai laia mipuiin an ngaisantak category hran hrana chawmawina 2017 People's Choice Awards ceremony chu Nilaini khan Microsoft Theatre, LA ah nei a nih. "Pirates of the Caribbean" series le film dang dang leia inlar Johny Depp chu Favourite Movie Icon nina inhlân a nih.

"Ocean Eight" Film Thar Ding Sukfel



NEWYORK: Nuhmei ruol changna "Ocean Eight" film thar ding casting chu zofel a ni tah a. Reality TV host pasal James Corden khawm nuhmei star tamtak laia pasal ning a ta, insuoma (robbery) lien tham tak bei tumna tho suitu (insurance investigator) part a nei ve ding a nih. James Corden hi hlasakthiem le milar Rihanna, Sandra Bullock, Cate Blanchett le Anne Hathaway leh an chang dun ding a nih.

George Michael, Drugs Leia Thi Ring



LONDON: Ni kum Christmas ni taka thi British hlasakthiem George Michael chu "drugs" leia thi ni dinga a ring thu a naupang laia inthawka a ruoltha Andros Georgious chun BBC Victoria Derbyshire program a hril. "George hin drugs a lo hmang zeu zeu hliak a. Abikin 'cocaine' a favourite a nih. A ngei ta hnung a thaw nawk khan, anti-depressant le chawkpawl a lo hmang nasa met ni ka ring" tiin a hril.

Mr Georgious hi ex-music producer George Michael leh inthawp zing 1998-a inthe an nih. Ama chun, Michael thisena khan iem a um a, tuin am drugs an pek a, iengleia a thaw nawk am? tihai sui suok a pawimaw thu a hril a. Miin heroin (No.4) thaw anga an hril chu khêl a nizie le 'cocaine' chaw thaw hliak a nizie a hril a. A ngei hnung a thaw nawkna san ding lungrii sawlna a nei lei a ring thu a hril bawh.

"Michael kha mi indiktak le ingaitlawm tak a nih a. Miretheihai a ngaituo em em hliak. Christmas zat hin thumhnaw le fakthei tamtak an chawka mirethei naupanghai kuomah a sem hlawi, ama ngei le khawm wawi tam thumhnaw le fakthei chi hran hran kan sem tah" tiin a hril bawh. Michael a hla record lohai la khawmin record siem a tum niin a hril bawh.

Damdiei HYA in Lt. Col. Bakshi death Anniversary football final-ah hratna an chang

PARBUNG: 11 Lt. Colonel Rajiv Bakshi thi champagne le inzawma football tournament 13 Dogra Regiment haiin Parbung khuoa an buotsai chu zani khan a lo tumtiektah. Hi tournament hi Hmarram, Manipur-a ding chun tournament lientak a nia, liemta thawleni khan tanin zani-inrinni khan final match inkhel a nih. Final match a hin Damdiei HYA le Sen-von HYA hai an inkhela, first half-ah Damdiei HYA haiin 2-1 in hma thuooin, second half-ah goal 2 th-

unsaw nawkin, khingting haiin goal an thunkir tanaw leiin 4-1 in match suktawp a nih. Hratatt team hai hin lawman sumfai Rs. 10,000 dawngin Certificate le Medal an dawngsa bawh a nih. First runners-up hai khawmin sumfai Rs. 7,500,

Certificate le Medal an dawng ve. Hi tournament hi Lt. Colonel Rajiv hrietzingna dinga kumtin huoihawt hliak a nia, Hmarbiel, Vangai, Assam le Mizoram anthawm team tha tak tak hai an hung inkhel hliak a nih.

Supreme Court in dan thar siem



Supre Court hai chun Zirtawpni khan cricket inthuidan hai hrlitlangin chanvo chelthei hun sung siemfelna an nei. Chu dungzui chun Board of Control for Cricket in India (BCCI) le statea cricket association hai po po ta dingin kum nga sung sin chel thei an ta, lo theilao chelzawm alo ngai khawmin kum 9 neka tam lo chel thei dingin dan a siemfel. Chhun office-bearer khawm sukpung theilo dingin ramri an siemfel

bawh. Hienga dan an hung suok hi kha hma laia Lodha Committee in ngenna Supreme Courta nurna tamtak an thlun leia hung suok a ni deu tak. Lodha Committee hai chun BCCI-a le State Association haia kum 9 sung official haiin sin an chel ani chun pei pei dinga inhrietirna an lo pek a nih. Dan thar siem ani le inzawm hin Cricket Association of Bengala legal advisor Ushanath Benerjee chun wavi tamtak zawna a siem.

FOOTBALL FIXTURE: 21ST JAN. 2017

Premier League	
18:00	Liverpool Vs Swansea
20:30	Bournemouth Vs Watford
20:30	Crystal Palace Vs Everton
20:30	Middlesbrough Vs West Ham
20:30	Stoke City Vs Manchester United
20:30	West Bromwich Vs Sunderland
23:00	Manchester City Vs Tottenham
Primera División	
01:15	Las Palmas Vs Deportivo La Coruna
17:30	Espanol Vs Granada
20:45	Real Madrid Vs Málaga
23:00	Deportivo Alavés Vs Leganés
Bundesliga	
01:00	Freiburg Vs Bayern München
20:00	Augsburg Vs Hoffenheim
20:00	Darmstadt 98 Vs Borussia M'gladbach
20:00	Schalke 04 Vs Ingolstadt
20:00	Werder Bremen Vs Borussia Dortmund
20:00	Wolfsburg Vs Hamburger SV
23:00	RB Leipzig Vs Eintracht Frankfurt
I-League	
16:30	Shillong Lajong Vs Minerva Punjab
16:35	Shivajians FC Vs Churchill Brothers
19:05	Chennai City Vs Mohun Bagan
Serie A	
22:30	Cievo Vs Fiorentina
Ligue 1	
01:15	Bastia Vs Nice
21:30	Nantes Vs PSG